



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XXVII. Die Octobris.

urn:nbn:de:hbz:466:1-9625

XXVII. DIE OCTOBRIS.

P. P E T R V S

BELLIDVS.

27 Octobris
Hispanus
Valentiæ.
1015. ætat.
73. Soc. 55.

Campana.

Horisfic.

Oratio.

Crucifixus.

IN Aragonia natus, loco cui Ebro est nomen, celebraturque à campana mirabili quæ suo impulsu ipsa vtrò sonum edens calamitatum plurimum vates fuit. In ætate adhuc tenera templi fornix conscendebat, & ad singulas quibus rectum fulcitur columnas vnâ Sancti cuiuspiam imaginem affigebat. Mox nudatus, istis Stationes, quas vocant, celebrabat, sese flagellans ad singulas. In Societate, nunquam cilicium dimisit, etiam 70. annos natus: cædebat verò se vsque ad sanguinem. Cibis aquam, saltem; vel cinerem aspergebat, vt gulam vexaret. Potus illius fuit ferè aqua: & ieiuniorum diebus vesperi nulla collatio. Oculos nunquã erexit, nisi necessitas imperaret: ad focum vt accederet, nullo frigore adigi potuit. Morbis pluribus obnoxius, mortuo fuit quàm viuo similior; altero oculo illi semper humido, & fluente. Nunquam ab æquali suo tenore discedebat, quicquid mali, etiam inopinanter, accideret. Duabus horis orabat ante alios manè; vnâ cum aliis: Vesperi verò tot horis quot poterat, saluâ obedientiæ lege atque officij. Orationem à Christi cruciatibus inchoabat, mox ad attributa Deitatis mentem erigens, & voluntatem suam diuinæ voluntati mactans in holocaustum. Etiam interdum in oratione absorptus aliquando cubiculum non inueniebat. Ad quemcunque in Sacramento pœnitentiæ audiendum vocaretur, ibat non minùs quàm si ab An-

gelo, Dei nomine, vocaretur. Visus est aliquando ab oratione prodire ore toto radiis illustri. Mirâ circa fidei mysteria luce in corde perfundebatur. Fiduciâ in orando fuit insigni. Cæsaraugustæ cum agræ obstinata confessionem suaderet, nec persuaderet, cum socio se in preces dedit semel ac iterum; adeòque noctem illam totam pertuigilatione sollicitâ egit orans vsque ad diluculum. Ægra mox confessa, consanuit, & SS. Sacramento in templo refecta est. Pro nobili quodam viro dum oraret, videre sibi visus est nigrum quendam, cuius manus altera descendebat ad terram, altera surrigebatur ad cælum. Et vox aiebat: Admone hominem pro quo oras, vt se ex sua parte disponat per emendationem vitæ, & faciendo aliquid Dei causâ, si vult obtinere quod petit. Monitus ille à Petro paruit, & obtinuit plus quàm optârât. Maria Montero benè licèt inchoârit, desciiuit tamen postea, seducta à spiritu vanitatis. Dicebat se habere campanam à S. Antonio sibi datam contra demones à quibus affligi se querebatur. Fingebat se rapi: ficto sanguine velut è capite manante, dicebat sudore sanguineo se madere: bombycem odoratis succis implebas, & ori imponebat; vt odor ille de ore illius fragrare videretur. Mentiebatur & Christi, ac S. Francisci stigmata, è quibus arte malâ sanguis manans credulis imponebat. P. Bellidus, Archiepiscopi iussu illam diu examinavit, fraudes detexit eam conuertit. P. Augustinum Bernal quodam die vesperi monuit, vt B. V. rosarium recitaret; meminissetque se illo die illius recitandi fuisse oblitum.

Oratio.

Charitas.

B. V.

ad

id quod ita se habere factus est Augustinus. Alium Patrem dimidiâ post octauam vespertinam horâ monuit vt Completorium recitaret eo die obliuione omissum. Ita esse rem deprehendit lætus alter, & Officium excurus, rogauit Petrum, vnde id haberet. at ille sermonem aliò vertit. Ex vero prædixit fœminæ cuidam, filios parituram, quorum tres Societari nomen essent daturi: discedenti 8. Augusti anno 1615. ægro Coadiutori Ludouico Puyol disertè affirmavit statim ac Barcinonem appelleret, conualiturum. Vtrumque euenit. Eundem rogauit vt vbi primum per iter Marianum Serrati montem videret, illius nomine ter *Salve Regina* pronunciaret pro felici morte. Sibi enim per paucos vitæ dies adhuc superesse: & post trimestre decessit. Coadiutorum quidam vidit illum è lecto extractum, raptatum, pessimè habitum; cui respondit Petrus: Nihil id esse: optare quidem demones ne illo die sacris operaretur; sed nihil euicturos. Alias ijdem illum suffocare tentabant, vestigiis quoque in collo inclinato & nonnihil obtorto relictis. Bis à procacissimis fœminis oblatum sibi turpe facinus fugâ euasit; & ingenuo rubore factus est, nihil se tunc, aut aliàs pensasse quod esset à renerrimæ integritatis legibus alienum. Ministri, ac Procuratoris officia diligenter exerceuit, sancti nomine appellatus. Et erant qui eius nomen aliud ignorabant hoc solo contenti. Nullius vnquam legis violatæ reum illum vidit vllus. Triduo ante mortem Crucifixi imaginem coram se collocari petiit, & dixit se ab illa dona singularia consecutum; eamque sibi locutam fuisse in varia occasione non semel. Dolores ingentes tanto animo, quiete, ac lætitiâ tolerauit, vt cœperit subtimere, ac quid illusionis eâ in re forte lateret.

Sub mortem dicente quodam: *Sursum corda* respondit: Iam est ibi. Fuit in Hispania tunc persona virtutis eximia famâ nobilis, cui S. P. Ignatius visus est Angelis cinctus sapius, & quadam vice cum SS. IESU nomine intra pectus in corde aureis literis exarato. Hæc in octaua SS. Sacramenti in templo Deum supplex rogauit; num nostri omnes, qui istic essent, salui futuri essent, & audiuisse ferunt: Omnes qui hîc sunt saluabuntur. Interroganti; an cum purgatorio? Respondit Deus: Aliquos ituros ad breue purgatorium: tres tamen (quos intèr nominabat P. Bellidum) se sinè vllò purgatorio ad gloriam deducturum. Hæc sibi Bellidus cum sub mortem audiret à Superiore narrari, respondit: Gloria Patri, & Filio, & Spiritui Sancto, &c. Et deum decessit felix.

P. GVILIELMVS

BAILIVS.

Cvm domi esset hilaris, atque suauissimus, nunquam tamen vllò ioco quenquam perstrinxit: & foris totus fuit compositus ad serua. Cum hærenicis vi, & efficacitate mirabili conferebat, ad eò vt eos quibus cum ageret, vel omnes vel serè omnes ad fidem adduceret. Santonas in fide orthodoxa ita iuuat, vt iam inde à S. Eutropio illorum Apostolo vix vllus illo impensius id feliciusque præstiterit. Vnde nonnulli illi acceptum referunt Collegium Santonense, imò & Pictauiense. Ad aliquos ad bonam mortem comparandos exiturus domo, pro felici rei successu prius inleuenter se cædebat, idemque agebat prius quàm è pulpito diceret ad conuersionem: ad quam non ascendebat nisi cinctus cilicio & linguâ per aquam lustralem.

Gallus Buregalæ. 270
Oct. 1610.
ætat. 63.
Societ. 439.

Fides.

Zelus.

Mortific.

Concio.

stralem expiatâ. In Sacro manu diuinam Hostiam tenens; Da mihi, aiebat, Domine IESV, animas pro quibus victima factus es salutaris.

P. IACOBVS
BOSGRAVIUS.

Anglus Ca-
liffy. 27. Oct.
1613 aetat.
70. Soc 50.

Religionis Catholicæ odio ab Anglis captus quæstioni subiectus, in catastra extensus, & cruciatus, ac in

exilium pulsus est. In Polonia mirum zeli documentum edidit, quod per ipsos 20. annos ad pauperes in Xenodochio Polonicè dicturus, conciones ad verbum memoriæ mandavit è scripto. Feriâ sextâ à 20. annis ab omni penitus cibo potuque abstinuit vsque ad mortem, quam obiit feriâ sextâ, quam inedia illius constantiâ tam perseveranter honorauerat amore Crucifixi.

Zelu.

Fer. vi.

Mortific.

XXVIII. DIE OCTOBRIS.

P. FRANCISCVS P. FRANCISCVS
LOPEZ. BAZANVS.

28 Octobris
Lusitanus
ad Goam.
1568.

Anno 1556. Indiam ingressus, ibi ad annum vsque 1568. impigritate insigni sudavit pro Euangelio Christi: quo demum anno cum Cocino Goam nauigaret, à Mauris Christianæ fidei perinsensis comprehensus, & pro Christianorum Sacerdote agnitus, rogatusque num Mahometum sequi vellet, cum id magno animo ac voce negans execraretur, postea quàm cum illo multis tam blandè quàm minaciter est actum, ille luculenter iterum vitam prius & potius quàm fidem à se deserendam testatus est: atque eapropter hasta illi altè in pectus, & illa adacta est; tum acinace fissum caput, & corpus in mare proiectum. Fuit Franciscus, vir ab animarum in salutem asserendarum desiderio planè impigro, ac disciplinæ religiosæ curatius obseruandæ amore insignitè laudatus.

Fides.

Hic è clara Marchionum S. Crucis Domo natus Philosophiæ, ac postea biennio Pontificio iuri operam dedit. Verùm & familiæ splendorem, & ingenium, ac studia in Societate occultens, sub Francisci Arana nomine delituit per quinque annos inter labores domesticos, sedulus, & modestissimus Coadiutor. Re postea competentâ studiis restitutus, benè multum profecit. B. Borgiæ suafu Sanctissimâ Synaxim per anni vnus interuallum quoties percipiebat eò referebat, vt voluntatem Dei exquireret in Indijs adeundis. In naui quâ in Indiam vehabatur suâ fame alebat egenos: ægris assiduus ministrabat, rudes erudiebat, denique inter 300. milites ac reliquos vectores religiosæ cuiusdam tranquillitatis pietatisque speciem induxit. Semper de se infimè sentiebat, in id intentus, vt sese planè se ipso exueret. Indos verò se petere aiebat, vt experimento tentaret num arbor inutilis eo transposita aliquid fortè alatura sit boni fructus.

Hispanus
Mexici. 28.
Oct. 1572.
Societ. 14.

Humil.

Enchat.

Charitat.

P. GEOR-